



ԵՎՐԱՍԻԱԿԱՆ ՏՆՏԵՍԱԿԱՆ ՀԱՆՁՆԱԺՈՂՈՎ

ԿՈԼԵԳԻԱ

ՈՐՈՇՈՒՄ

7 հունիսի 2016 թվականի

թիվ 63

քաղ. Մոսկվա

**Անասնաբուժական հսկողության (վերահսկողության) ենթակա
ապրանքներին ներկայացվող՝ Միասնական անասնաբուժական
(անասնաբուժասանիտարական) պահանջներում
փոփոխություն կատարելու մասին**

«Եվրասիական տնտեսական միության մասին» 2014 թվականի մայիսի 29-ի պայմանագրի 58-րդ հոդվածի 2-րդ կետին եւ Եվրասիական տնտեսական բարձրագույն խորհրդի 2014 թվականի դեկտեմբերի 23-ի թիվ 98 որոշմամբ հաստատված՝ Եվրասիական տնտեսական հանձնաժողովի աշխատանքի կանոնակարգի թիվ 2 հավելվածի 22-րդ կետին համապատասխան՝ Եվրասիական տնտեսական հանձնաժողովի կոլեգիան **որոշեց**.

1. Մաքսային միության հանձնաժողովի 2010 թվականի հունիսի 18-ի թիվ 317 որոշմամբ հաստատված՝ անասնաբուժական հսկողության (վերահսկողության) ենթակա ապրանքներին ներկայացվող՝ Միասնական անասնաբուժական (անասնաբուժասանիտարական) պահանջներում կատարել փոփոխություններ՝ համաձայն հավելվածի:

2. Սույն Որոշումն ուժի մեջ է մտնում դրա պաշտոնական հրապարակման օրվանից 30 օրացուցային օրը լրանալուց հետո:

Եվրասիական տնտեսական
հանձնաժողովի կոլեգիայի նախագահ՝

S. Սարգսյան

ՀԱՎԵԼՎԱԾ

Եվրասիական տնտեսական

հանձնաժողովի կոլեգիայի

2016 թվականի հունիսի 7-ի

թիվ 63 որոշման

ՓՈՓՈԽՈՒԹՅՈՒՆ

**անասնաբուժական հսկողության (վերահսկողության) ենթակա
ապրանքներին ներկայացվող՝ Միասնական անասնաբուժական
(անասնաբուժասանիտարական) պահանջներում կատարվող**

Լրացնել հետևյալ բովանդակությամբ 44-րդ գլուխ.

«Գլուխ 44

ԱՆԱՄՆԱԲՈՒԺԱԿԱՆ ՊԱՀԱՆՋՆԵՐԸ

**ոչ մթերատու ընտանի կենդանիների եւ մորթատու կենդանիների
կերերի արտադրության համար նախատեսված՝
կենդանական ծագման ոչ սննդային հումքը Եվրասիական տնտեսական
միության մաքսային տարածք ներմուծելիս եւ (կամ)
անդամ պետությունների միջեւ տեղափոխելիս**

Թույլատրվում է Եվրասիական տնտեսական միության մաքսային տարածք
ներմուծել եւ (կամ) անդամ պետությունների միջեւ տեղափոխել ոչ մթերատու
ընտանի կենդանիների եւ մորթատու կենդանիների կերերի արտադրության

համար նախատեսված՝ կենդանական ծագման ոչ սննդային հումքը, որը ստացված է այն սպանդային կամ մսի վերամշակման ձեռնարկություններում կենդանիների կամ թռչունների սպանդից եւ վերամշակումից, որոնց նկատմամբ սահմանված չեն որեւէ անասնաբուժասանիտարական սահմանափակումներ, եւ որոնք գտնվում են անասնաբուժական ծառայության հսկողության ներքո:

Այն կենդանիները, որոնցից ստացվել է ոչ մթերատու ընտանի կենդանիների եւ մորթատու կենդանիների կերերի արտադրության համար նախատեսված՝ կենդանական ծագման ոչ սննդային հումքը, ենթակա են նախասպանդային անասնաբուժական զննման, իսկ դրանց մսեղիքը, գլուխները եւ ներքին օրգանները՝ հետսպանդային անասնաբուժասանիտարական փորձաքննության:

Ոչ մթերատու ընտանի կենդանիների եւ մորթատու կենդանիների կերերի արտադրության համար նախատեսված՝ կենդանական ծագման ոչ սննդային հումքը պետք է ստացված լինի այն կենդանիների սպանդի կամ վերամշակման ժամանակ, որոնք ծագում են կենդանիների հետեւյալ վարակիչ հիվանդություններից պաշտոնապես զերծ տնտեսություններից կամ վարչական տարածքներից.

բոլոր կենդանիների համար (բացի թռչուններից)՝

դաբաղ՝ վերջին 12 ամիսների ընթացքում երկրի տարածքում կամ վարչական տարածքում՝ ռեզիդնալ բաժանմանը համապատասխան,

սիբիրախտ՝ վերջին 20 օրերի ընթացքում տնտեսությունում:

Խոշոր եղջերավոր անասուններ.

խոշոր եղջերավոր անասունների ժանտախտ, վարակիչ պլեւրոպնեյմոնիա (թոքերի ներմուծման (տեղափոխման) դեպքում)՝ վերջին 24 ամիսների ընթացքում երկրի տարածքում կամ վարչական տարածքում՝ ռեզիդնալ բաժանմանը համապատասխան,

խոշոր եղջերավոր անասունների սպունգանման էնցեֆալոպաթիա: Հումքը ստացվում է խոշոր եղջերավոր անասունների սպունգանման էնցեֆալոպաթիայի

նկատմամբ ապահով նախիրներից, եւ կենդանիները չեն պատկանում այն կենդանիների սերնդին, որոնք հիվանդ են խոշոր եղջերավոր անասունների սպունգանման էնցեֆալոպաթիայով. կենդանիներին կերակրելու համար չեն օգտագործել որոճող կենդանիներից ստացված սպիտակուցներ՝ բացառությամբ այն բաղադրիչների, որոնց օգտագործումը թույլատրվում է ՄԱԲ-ի կանոններով. մինչեւ սպանող կենդանիներին ուշաթափ չեն արել կենդանիների գանգատուփ խտացրած օդ կամ գազ ներմուծող մեխանիզմի օգնությամբ եւ չեն ենթարկել գլխուղեղի ծակման. հատուկ ռիսկ ներկայացնող նյութերը կենդանիների մսեղիքից հեռացվել են ՄԱԲ-ի կանոնների առաջարկներին համապատասխան:

Ոչխարներ եւ այծեր.

ոչխարների քոր՝ ՄԱԲ-ի կանոնների առաջարկներին համապատասխան,

մանր որոճողների ժանտախտ՝ վերջին 36 ամիսների ընթացքում երկրի տարածքում կամ վարչական տարածքում՝ ռեզիդնալ բաժանմանը համապատասխան,

խոշոր եղջերավոր անասունների ժանտախտ՝ վերջին 24 ամիսների ընթացքում երկրի տարածքում կամ վարչական տարածքում՝ ռեզիդնալ բաժանմանը համապատասխան:

Խոզեր.

խոզերի աֆրիկական ժանտախտ՝ վերջին 36 ամիսների ընթացքում երկրի տարածքում կամ վարչական տարածքում՝ ռեզիդնալ բաժանմանը համապատասխան,

խոզերի բշտային հիվանդություն՝ վերջին 24 ամիսների ընթացքում երկրի տարածքում կամ վարչական տարածքում՝ ռեզիդնալ բաժանմանը համապատասխան, կամ վերջին 9 ամիսների ընթացքում, ռեզիդնալ բաժանմանը համապատասխան, այն երկրի տարածքում կամ վարչական տարածքում, որտեղ անցկացվել է «ստեմպինգ աուտ (սանիտարական սպանդ)»,

խոզերի դասական ժանտախտ՝ վերջին 12 ամիսների ընթացքում երկրի տարածքում կամ վարչական տարածքում՝ ռեզիդնալ բաժանմանը համապատասխան,

Մուեսկի հիվանդություն (կեղծ կատաղություն)՝ գլուխների եւ ներքին օրգանների ներմուծման (տեղափոխման) դեպքում՝ երկրի տարածքում ՄԱԲ-ի կանոնների առաջարկներին համապատասխան:

Թռչուն.

թռչունների գրիպ, որը, ՄԱԲ-ի կանոններին համապատասխան, ենթակա է պարտադիր հայտարարագրման՝ վերջին 12 ամիսների ընթացքում, ռեզիդնալ բաժանմանը համապատասխան, երկրի տարածքում կամ վարչական տարածքում, կամ վերջին 3 ամիսների ընթացքում՝ «ստեմպինգ աուտ (սանիտարական սպանդ)» անցկացնելու եւ անասնահամաճարակային հսկողության բացասական արդյունքների դեպքում,

Նյուքասլ հիվանդություն՝ վերջին 12 ամիսների ընթացքում, ռեզիդնալ բաժանմանը համապատասխան, երկրի տարածքում կամ վարչական տարածքում, կամ վերջին 3 ամիսների ընթացքում՝ «ստեմպինգ աուտ (սանիտարական սպանդ)» անցկացնելու եւ անասնահամաճարակային հսկողության բացասական արդյունքների դեպքում:

Ձիեր.

ձիերի աֆրիկական ժանտախտ՝ վերջին 24 ամիսների ընթացքում երկրի տարածքում կամ վարչական տարածքում՝ ռեզիդնալ բաժանմանը համապատասխան,

խլնախտ՝ վերջին 36 ամիսների ընթացքում երկրի տարածքում կամ վարչական տարածքում՝ ռեզիդնալ բաժանմանը համապատասխան,

ձիերի ինֆեկցիոն անեմիա՝ վերջին 3 ամիսների ընթացքում տնտեսության տարածքում,

Էպիզոտիկ լիմֆանգիտ՝ վերջին 2 ամիսների ընթացքում տնտեսության տարածքում հիվանդության դեպքեր չեն գրանցվել:

Ճագարներ.

Ճագարների հեմոռագիկ հիվանդություն՝ մինչև սպանդը վերջին 60 օրերի ընթացքում տնտեսությունում հիվանդության դեպքեր չեն գրանցվել:

Ոչ մթերատու ընտանի կենդանիների եւ մորթատու կենդանիների կերերի արտադրության համար նախատեսված՝ կենդանական ծագման ոչ սննդային հումքը ստացված է խոզի մսեղիքից, որոնց համար տրիխինելլոզի անցկացրած հետազոտությունների համաձայն գրանցվել է բացասական արդյունք, կամ որոնք ենթարկվել են սառեցման, ինչպես նշված է աղյուսակում՝

Ժամանակը (ժամ)	Ջերմաստիճանը (°C)
106	- 18
82	- 21
63	- 23,5
48	- 26
35	- 29
22	- 32
8	- 35
1/2	- 37

Թույլատրվում է Եվրասիական տնտեսական միության մաքսային տարածք ներմուծել եւ (կամ) անդամ պետությունների միջև տեղափոխել այն մսեղիքից ստացված՝ կենդանական ծագման ոչ սննդային հումքը, որը՝

չունի վարակիչ հիվանդություններին, հելմինթներով ախտահարմանը բնորոշ փոփոխություններ՝ հետսպանդային անասնաբուժասանիտարական փորձաքննության, ինչպես նաեւ տարբեր նյութերով թունավորումների դեպքում.

պահման ժամանակ չի ենթարկվել ապասառեցման.

չունի փչացման նշաններ.

մկանների հաստաշերտում չունի մինուս 18 °C-ից բարձր ջերմաստիճան՝ սառեցված ոչ սննդային մսային հումքի համար, եւ +4 °C-ից բարձր՝ պաղեցրած հումքի համար:

Ոչ մթերատու ընտանի կենդանիների եւ մորթատու կենդանիների կերերի արտադրության համար նախատեսված՝ կենդանական ծագման ոչ սննդային հումքը պետք է բավարարի անասնաբուժասանիտարական հետեւյալ պահանջները՝

մանրէների ընդհանուր թիվը, ԳԱՄ/գ - 5×10^6 .

սալմոնելաները 25,0 գ-ում՝ չեն թույլատրվում (միայն մորթատու կենդանիների կերակրման համար նախատեսված՝ կենդանական ծագման ոչ սննդային այն հումքի համար, որը կենդանիների կերակրումից առաջ չի ենթարկվի ջերմամշակման).

աղիքային ցուպիկի էնտերոպաթոգեն տեսակները 1,0 գ-ում՝ չեն թույլատրվում.

կապար՝ 10,0 մգ/կգ-ից ոչ ավելի.

կադմիում՝ 0,5 մգ/կգ-ից ոչ ավելի.

մկնդեղ՝ 2,0 մգ/կգ-ից ոչ ավելի.

սնդիկ՝ 0,3 մգ/կգ-ից ոչ ավելի:

Ոչ մթերատու ընտանի կենդանիների եւ մորթատու կենդանիների կերերի արտադրության համար նախատեսված՝ կենդանական ծագման ոչ սննդային հումքի մեջ ցեզիում-137-ի եւ ստրոնցիում-90-ի պարունակությունը չպետք է գերազանցի՝ ցեզիում-137՝ 600 բկ/կգ-ը, ստրոնցիում-90՝ 100 բկ/կգ-ը:

Կատուների եւ շների համար կերերի ու կերային հավելումների արտադրության գործընթացում օգտագործվող կենդանական ծագման հումքը պետք է մշակված լինի այլուս 133 °C -ից (271,4 °F) ոչ ցածր ջերմաստիճանում 20 րոպեից ոչ պակաս տևողությամբ 3 բար ճնշման տակ (42,511 ֆունտ՝ մեկ դյույմ²-ի վրա) կամ

ենթարկված լինի ջերմամշակման՝ այլընտրանքային համակարգով, որը սահմանված միկրոկենսաբանական ցուցանիշի համար ապահովում է անվտանգության համապատասխան պահանջները:

Ոչ մթերատու ընտանի կենդանիների եւ մորթատու կենդանիների կերերի արտադրության համար նախատեսված՝ կենդանական ծագման ոչ սննդային հումքը փաթեթվածքի կամ պոլիբլոկի վրա պետք է ունենա մականշվածք: Պիտակը պետք է փաթեթվածքի վրա փակցված լինի պիտակի կրկնակի օգտագործումը բացառող եղանակով: Այն դեպքում, երբ փաթեթվածքի կառուցվածքը չի կանխում դրա չարտոնված բացումը, պիտակը պետք է փաթեթվածքի վրա տեղադրված լինի այնպես, որ փաթեթվածքի ցանկացած բացում հանգեցնի պիտակի ամբողջականության խախտմանը:

Փաթեթվածքը, որն անմիջականորեն շփման մեջ է գտնվում ոչ մթերատու ընտանի կենդանիների եւ մորթատու կենդանիների կերերի արտադրության համար նախատեսված՝ կենդանական ծագման ոչ սննդային հումքի հետ, պետք է լինի մեկանգամյա օգտագործման եւ պետք է համապատասխանի Եվրասիական տնտեսական միության պահանջներին:»:
